

Mänchet Mäken, de von Herzen
 Öhren färnen Schatz het leef,
 Wörde gärn äm, wenn se könne,
 Däglich schriewen Breef up Breef.

Unn wat leef sick het, so glöw' ick,
 Weet wol, wat et schriewen soll,
 Wenn't ook immer eenschig weere:
 „Kumm doch män torücke ball!

Denn ick kann't nich mehr erdroagen,
 Dät ick so alleen hier bin,
 Unn noa di, doa steiht mi ewig
 Dag unn Nacht egoal de Sinn!“

Öber Annelies? — Ick weet nich,
 Wat det vör en Mäken is;
 Unn doch het se mi vör Allen
 Ach! so leef, vör woahr unn wiss.